

Yungzanh: Guh Yizsiz Gyonjcomz Haihong Caeuq Sathong Hanghmoeg Hung 72.68 Ik Maenz

融安：举行 72.68 亿元重大项目集中开竣工仪式

2 nyied 25 hauh banhaet, Yungzanh Yen guh aen yizsiz gyonjcomz haihong sathong hanghmoeg hung geiqdoh daih' it bi 2022 caeuq roengzgiek hwnq daihsam geiz Yungzanh • Gvangjsih Yanghsanh Swngdai Gunghyez Canjyez Yenz. Baezneix miz 16 aen hanghmoeg gyonjcomz haihong sathong, gungh roengzcienz 72.68 ik maenz. Ndawdoz dwg yienhciegz roengzgiek. (Veiz Yungzginh/韦荣军)



Ginhsiu: 2000 Lai Boux Lauxsae Hagseng Ndaej Haeuj Hagdangz Moq

金秀：2000 多名师生圆梦新校园

2 nyied 26 hauh, aen yaugih moq Ginhsiu Yauzcuz Swciyen Minzcuz Gauhcungh ndaej yungh lo, gungh miz 2000 lai boux lauxsae caeuq hagseng haeuj aen yaugih moq neix hag saw son saw. Ndawdoz dwg gyoengq hagseng angqvauvau byaij youq ndaw hagdangz moqsak. (Gauh Yuzginh/高如金)



Cinghsih: Gangj Vahcuengh Son Gohgi Coengh Vunzlai Dajndaem

靖西：用壮话送科技助力春耕

2 nyied 24 hauh, Cinghsih Si Nungzyez Nungzcunh Giz comz doengh boux rox gisuz ndaem gosangh ciengx nonsei roengz daengz ndaw si neix Gojloz Yangh Hozvwnh Cunh, haeuj ndaw reih ndaw naz son gohgi, coengh vunzlai guh ndei hong seizcin dajndaem. Ndawdoz dwg boux gisuzyen gangj Vahcuengh dangdieg son boux ciengx nonsei baenzlawz hawj gosangh nonsei dingj nit dingj gyoet.

(Vangz Anhcungh/黄安忠)



Gojgaeq Dinj Minzcuz Doxgiet Baenaj Laeng Gvangjsih

广西民族团结进步小故事

Ga Dahlingzgiz Geq Baenz Cien Bi De Hawj Baihnamz Baihbaek Lai Ndei Doxgyau Doxhag Doxgyaux

千年古运河灵渠促进南北交往交流交融

Dahlingzgiz youq henz yienhsingz Hingh-Anh Yen laeng Gveilin Si, gunghyenz gaxgonq 214 nienz vat baenz, suenq daengz seizneix miz 2000 lai bi nanz, vunz heuh de caeuq Duhgyanghyen、Cwnggozgiz guhdoi caemh dwg sam aen suiqli gunghcwngz hung ciuhgeq Cungguek.

Vat baenz Dahlingzgiz, couh hawj baihnamz baihbaek ndaej soh doxdoeng. Youq cwngci

fuengmienh, de ok rengz hung hawj ranghdieg Lingjanz gvihaeuj cunghyangh, hawj guekgia doengjit. Youq ginghei fuengmienh, de coinyoengx gij ginghei sevei ranghdieg Lingjanz ndaej fatmaj vaiqvai. Youq vwnzva fuengmienh, de hawj Cunghyenz vwnzva caeuq Lingjanz vwnzva doxgyaux ndaej haeuj duenh moq. Youq minzcuz doxgyau fuengmienh, de coinyoengx gij minzcuz Cunghyenz caeuq Lingjanz doxgyau doxhag

doxgyaux.

Dahlingzgiz dwg gij yienghbanj vunz youq duenh lizsij ciuhgeq ciuh dieg guhsaeh、gohyoj dajveh hwnqguh gunghcwngz. Caemhcai, vat baenz Dahlingzgiz, doiq henho hukcoj doengjit, gyarengz hawj gak minzcuz doxgyau doxgyaux、guhdoi mwnhoengh mizyungh youh lai youh nanz.

(Gvangjsih Minzcuz Yenzgiu Cunghsinh hawj gauj)